

論

鬼神論

一、說 鬼

佛說六道，亦名六趣，道謂道路，趣謂趣向。謂有此六種衆生，趣向於此道路，死此生彼，死彼生此，輪迴不息，如旋火輪——此即一天道，二人道，三阿修羅道，四畜生道，五餓鬼道，六地獄道也。如法華經曰：「以諸因緣故，墜墮三惡道，輪迴六趣中，備受諸苦毒」。是知鬼神一事，原爲實有，決非假設。如人所謂勸善懲惡，警世駭人，以成其所謂：「聖人以神道設教」也。又如佛說人死以後，此地命終，彼處未生，於其中間，猶有陰形，是名中陰，亦名中有。如大乘義章曰：「命報終謝，名爲無有。生後死前，名爲本有。兩身之間，所受陰形，名爲中有」。然此所謂中陰身者，若據小乘俱舍宗言，謂其原有一定；成實宗言，謂無一定；各大乘宗言，謂其有無不定。如極善與極惡之人，無中陰身，直至其所，餘皆有之。此世人所見之鬼，或不出此二種，即一爲六道中之餓鬼，二爲人死後之陰形。如言其有，原爲陰形，不久將滅；若云爲無，實是衆生，常恒存在。故鬼之爲物，不可說有，亦不可說無，苟人能得天眼神通，或於因緣會合之時；尤其是你將死之際，便能自見，毫不足奇！如紀曉嵐謂：「鬼之形狀仍如人，惟目直視。衣紋則片片挂身上，而束之下垂，與人無殊。質如烟霧，望之依稀似人形；側視之，全體皆見；正視之，則似半身入牆中，半身凸出。其色或黑或蒼，去人恒在一二丈外，不敢逼近；偶猝不及避，則或瑟縮匿牆隅，或隱入坎井，人過乃徐徐出。蓋燈昏月黑，日暮雲陰，往往遇之，不爲訝也」。此可見古人談鬼，雖不及歐美人分析之精，見聞之廣，實亦可謂早開先河，能言人所未言矣。

二、種 類

夫中國人知有鬼神，遠在二三千年前，早已洞悉無遺。如詩小雅謂：「爲鬼爲蜮」。禮禮運謂：「列於鬼神」。列子謂：「精神離形，各歸其真，故謂之鬼。鬼歸也，歸其真宅」。其他如論語謂：「季路問事鬼神，孔子之言敬鬼神等。均皆見於典籍，爲其彰明較著者。至若以鬼神二字合言者，如古人解釋謂：「陽魂爲神，陰魄爲鬼；氣之伸者爲神，屈者爲鬼」。若以佛教言，嘗謂鬼爲六趣之一，神爲八部之衆；有感云鬼，有能曰神。如金光明經文句曰：「鬼者威也，能令他畏其威也。神者能也，大力者移山填海，小者能顯顯變化」。又如婆沙論曰：「鬼中好者，如有威德鬼，形容端正，諸天無異；又一切五嶽四瀆山海諸神，悉皆端正，名爲

· 惟 悟 ·

好也。鬼中醜者，謂無威德鬼，形落鄙惡，不可具說；類如餓狗之腔，頭若飛蓬之亂，咽咽細小之針，脚如朽槁之木；口常垂涎，鼻恒流涕，耳內生膿，眼中出血，諸如是等，名爲大醜」。此以其相貌言也。又曰：「又鬼中苦者，即彼無威德鬼，恒常饑渴，累年不聞漿水之名，豈得逢斯甘饈？設值大河欲飲，即變爲炬火；縱得入口，即腹爛焦然，如斯之類，豈不苦哉！鬼中樂者，即彼有威德中，富足豐美，衣食自然；身服天衣，口餐天供，形容優縱，策乘輕肥，任情遊戲，共天何殊？如斯之類，豈不樂哉！」此以其享受言也。又曰：「又有威德者，或住山谷，或住空中，或住海邊，皆有宮殿，七寶莊嚴……無威德者，如浮遊浪鬼，飢渴之徒，悉無舍宅；或住塚墓，或止叢林，草木岩穴；或依不淨糞穢而住，或依屏風故壙而居，皆無舍宅。頭髮鬢亂，裸形無依，顏色枯悴，以髮自覆。執持瓦器而行乞丐，果報劣人，其形多分似人，亦有傍者；或面似猪，或是種種諸惡禽獸，如今壁上彩畫者」。此以其住居與生活言也。綜上所引，可見鬼神亦有貧富之懸殊，貴賤之不等，此非勢力造成，實是罪福果報。故欲不受餓鬼之報，此生爲人應好好以修行也。

三、變 化

又在中國方面談鬼之書，汗牛充棟，不可勝數，誰說是佛敎在故弄玄虛，欺世愚人？譬如其書爲衆所周知者，有聊齋誌異，閱微草堂筆記，右台仙館筆記，子不語，池北偶談等。舉不勝舉，不須詳列，便可以見一斑。且其所言之鬼，均皆繪形繪影，有聲有色，鬼話連篇，形容盡緻。雖或爲文人消遣之作，隱寓褒善貶惡之意。顧若於萬中偶得其一爲實，即可推翻迷信之譏，打開國家求治之道。如王漁注有詩曰：「姑妄言之姑聽之，豆棚瓜架雨如絲，料應厭作人間語，愛聽新墳鬼唱詩」。此一般有遠見之人，常以近來人類之道德墮落，人慾縱橫，苟不以鬼神之說告之，將必使一切政治法律失效，良風美俗破產！且吾國一班青年之人，雖正在高唱其所謂：「打倒神權，破除迷信」。以爲我是摩登人物，堪與科學家齊名，盲從附和，於斯已極！而孰料其所崇拜之洋大人，却正懷於原子能毀滅之禍，氫氣彈殺戮之慘，已由唯物主義，轉向靈魂哲學。所謂東施效顰，能不令人大笑！比如在英國成立之靈學會，以及道德通神會等，今正在全球各處設立，風靡一時，人皆響應。其說謂：「凡一鬼物之出現，其分類約有五種方法，可以證知。一集合觀衆，即同一之鬼，得衆人之見聞也。二異象觀衆，即同一之鬼，由衆人所見之不同也。三畜眼觀衆，即犬貓等

見而驚怖也。四物質觀象，即鬼物發現之時，其附近物質物之生變化也。五靈魂照相，即以相機能攝其鬼影也。以上各種之研究，皆有實例可舉。載於靈學會之報告書中，可以覆按，決非杜撰。由是以知在五十年前，大方笑我們「爲了多鬼之國」，其人迷信不堪，引爲笑話！庸詎知今日在歐美却盛行其所謂妖怪學，神秘學，鬼科學等，已經別開生面，無奇不有，令人觀瞻大變，或應目爲原子時代之反動！而又有所謂靈魂照相館，與「打鬼公司」等，以生意經之眼光，破億萬年之疑團，尤應請中國留學生亦實習之，或可真個多見多聞，不再擾亂其國矣！

四、舉 例

今舉一實例，如伍廷芳博士，昔曾爲廣東之省長，亦爲人所共知爲一深恨迷信之人，所謂博士，當必名實相符。然而自在歐美親見鬼神，並與其攝影及談話以後，居然竟變成一個大迷信家，逢人便說鬼神真是實有，不可不信。如其在上海當衆演講曰：「今日道德通神會請予主講，意在提醒衆人覺悟，此道德通神之原意也。四十五年前，先師收一俄國女子爲徒，先師示云：『今日世界之人類，均向形質實事上用心者居多，寶愛錢財，鄙棄道德，懵然不知身外有身，世界外有世界；人外更有鬼神，皇上帝外有上帝。』」此爲其三句不離本行之言，亦可見西人思想之進步矣。又曰：「我青年之時，亦不信有鬼神。嘗與二友約，如有一人先死，須來與未死者知，以便得悉死後之情形。後友先死，不見動靜，我數年實未夢見，及第二友亦然。因此我確信人死果如燈滅，無形無影。及至此道德通神會以後，方查明鬼神是實有的」。此又爲其現身說法，足見此公實爲不誑語者。復曰：「又我在美國時，曾與鬼同拍一照，見有三鬼立吾身後，一爲前英國公使，一爲美國人，一爲中國人之戴小帽者，我不識其爲何人？此照尚在，可以爲證。又有某日我往一處，見有如中國人「關亡」。初召來一鬼講英語，我不之信，猶存疑惑；繼召一友人之死妻交談，方信真有鬼神」云云。此即伍博士之爲博士，亦自有其博古通今之道！信不信由你，據王典說：伍博士曾爲一名孫梅林者，寫了兩封介紹書，一致天帝，二令鬼卒。如云：「孫某已經考驗，確係良善，請准其自由」等語。竟自如包拯再世。無限威風！若真有此事，實非妄語。則正恐今之一班達官貴人，土豪劣紳，皆當跪於孽鏡台前受審，惡報慘不忍言！此所以再三強調罵人迷信，實即恐怖真有所謂阿鼻地獄也。

五、實 驗

今再進一步言，聽說在歐美各國，特別是英國人之中，有一種名喚「靈媒」者，時常能與鬼神會晤，屢試皆驗。其法是擇一幽靜之地，黯然無光，中間放置一張椅子，數根麻繩。然後穿着一件極薄之衣服，將其自己之手足縛於椅上，運用心神，使其特殊之體質發生變化，口中流出一種液質，其學名叫做「艾克多布拉茲」之泡沫，令其與空中之鬼魂相匯合。便

能看見一團雲霧般之物顯現，逐漸現出其眼鼻口等，簡直與人無異，此爲其大概之情形也。其次，又如日本有一心靈科學家，其名曰仁宮武夫博士者，曾搜集世界許多權威之鬼魂實驗論文，與乎其所攝出來之靈魂照片，加以論斷曰：「人死後究竟到何處去？今正由一般科學家藉「靈媒」之助，以求得一詳盡確實之解決。譬如英國文豪狄更司，在寫其「艾德因·布魯特」之秘密」之小說時，不幸甫寫到一半便去世，其後半部小說，是由一名傑姆士斯之職工所續成。其人之才學與技巧，固遠遜於狄氏；却其自己亦並未看過原書，竟不知如何能寫此書，其筆調與情節，何故竟如此吻合？是誠爲一大奇事！嗣經哥倫比亞大學之希斯羅夫教授，以一「靈媒」爲介紹，與狄更司相會。始悉其後半部書之小說，是假手於傑姆士斯所寫成，實即爲其本人之靈魂所著也」。由是可見中國書上所說鬼神之形形色色，奇奇怪怪之事，原非皆爲亂說，自必有其根據無疑。惟因近數十年以來，民族自尊之心蕩然無存，屈節媚外之事層出不窮！遂致自捨家珍，食人唾餘；凡事皆以洋先生所說爲是，中國人所說爲非，其對鬼神一事，亦猶如是。故今應請其細讀此文，或不敢以罵同胞之口吻，竟反噬而詈其爲洋迷信也！

六、結 語

基於上述，可見鬼神原屬實有，決非佛所偽造，證明實未妄語。從此人信自可建立，世風亦可好轉。因爲鬼神之生活雖與人無干，其事却足可警惕，令其觸目驚心，必不敢再爲非作歹。譬如在昔之日，各大小城市之中，皆建有城隍廟等，塑造其像，凶惡無比，鬼氣森森，陰風慘慘。使人見之，不禁善心油然而生，惡念竟自以滅；尤其是有一聯曰：「好大膽，敢來見我！快回頭，莫去害人！」使人讀之，真如晴天霹靂，驚醒惡夢，歸家三日，猶不敢存非份之想，豈還尚欲奪人江山，破婦貞節？此孔子所謂：「鬼神之爲德，其盛矣乎！視之而弗見，聽之而弗聞，體物而不可遺。使天下之人，齊明盛服，以承祭祀；洋洋乎如在其上，如在其左右。詩曰：神之格思，不可度思，矧可射思！」夫以孔子之智，何嘗不知此是人造的迷信，所謂「子不語怪力亂神」。又曰：「攻乎異端，斯害也已」。便足與胡適之陳獨秀等，爭奪英雄，亂講革命，不勞其「打倒孔家店」，便早欲折毀城隍廟！然而在數萬萬人之中，有幾人可稱爲覺者，又有幾人是潔身自愛之聖賢？豈不皆是一些半通不通的搗亂之徒！由是如其所謂「打倒封建思想，破除宗教迷信」。便必令國之紀綱毀滅，民之信仰不存；既不懼王法制裁，又那怕鬼來摸頭？此四十年來之大亂，實即種因於此，尙夫何言！夫佛謂善薩畏因，衆生懼果；因既難明，果却易見。豈有於國破家亡與妻離子散以後，猶自仍欲學其唯物，不喜於唯心？須知紐約倫敦猶有神廟，不全盡是科學機關，即可見其師實智，其徒甚愚！蓋以其既能維持人心，亦可用利生，兩全之策，莫善於此。故今若欲收拾人心，存善去惡，反迷成覺。便必須以怕鬼懼死之心，向佛學之中鑽究，其庶幾可坐致太平矣。

於印尼棉蘭市蘇島佛學社。